

# OMUKWETU

Registered at the General Post Office as a Newspaper

## Eindilo Iya DELK ku VELKSWA, aniwa inali yela

Natango opwa dhimbululwa ompumbwe yokonga uyelelele wa gwana kombinga yeindilo lyOngeleka yAandowishi (DELK), sho yi indile yi taambelwe muukwashilyo wEhangano lyOngeleka onkwaevangeli paLuther mu SWA (VELKSWA).

Eindilo ndika Iya konakonwa tango kokomitiye ya VELKSWA, pamwe nomahanganongeleka galwe omakwaLuther, FELKSA na LWF, olya dhimbululwa natango kutya otali pumbwa okuyelithwa nawa, unene mombinga yeuvoko lyevangeli pasosiale nopaupolitika. Epangelongeleka Iya VELKSWA olya indilwa li gandje natango oonkondo kokangundu ka li ka hogololelwa okukonakona eindilo ndika lyuukwashilyo.

Ongeleka ndjika yaatiligane muNamibia ngele oya taambwa muukwashilyo wehangano lyOngeleka yaaludhe, ngashi pe na etegameno enene nokuli shi ningwe, osho tashi kala shotango muumbugantu waAfrika, aatiligane taa hangana kumwe naaludhe.

Uunyengwi wOngeleka ndjoka okuhangana noyaaludhe, nando adhihe onkwaLuther, oshi na unene omidhi monkalathano yomuludhe nomutiligane muumbugantu waAfrika. Ongeleka yaaludhe sho ya li ya fala omanyenyeto gayo koministeli yotango ya S.A. mombilive yeeguluka 1971 kutya aaludhe inaa yalulwa kaatiligane ngashi aantu, Ongeleka yAandowishi oya li ya pangula omadhiladhilo ngoka.

Okuza komumvo ngoka omahilathano oga tameke ihe pokati ka DELK na VELKSWA nopokati kaakwanegongalo ya DELK naasitagongalo yawo mboka ya kala nehawo lyokuhangana naaludhe. Konima aasita mbaka sho ya dhimbulula itaa vulu sha, oyi inyeke mo miilonga noya shuna ku Ndowishilanda. Omuwilikingeleka awike a thigalapo nomagongalo ge vule 10 gaa na aasita.

Ongeleka onkwaevangeli paLuther muNdowilanda ndjoka kuyo kwe endjelela ekwatho aliche lyOngeleka yAandowishi muNamibia, paimaliwa nopaayakulingeleka, nayo wo oya tokola yi hulithe po ekwatho lyayo, shimpa tuu DELK ita hangana naaludhe.

Omolwoothina adhihe ndhika mOngeleka ndjoka, otashi vulika osho sha falitha metokolo lyokuninga oshilyo shaVELKSWA li kale itaali dhimbululwa nawa mpoka Iya gama mekwathano naaludhe paupolitika nopaasilale. Ilinima mbika oyi na okukundathanwa natangor yi



**Omupresidende gwaVELKSWA, omusitagongalo Johannes Lukas de Vries. Ope na efaneko nomalongekidho, VELKSWA a ninge Ongeleka yimwe ayike onkwaevangeli paLuther muNamibia. Sigo onena, Ongeleka kehe otayi dhiginine omathompango gayo.**

yelithwe manga VELKSWA ina tya: Eeno, nenge aawe. Omuwilikingeleka Lukas de Vries ngoka e li omupresidende gwa VELKSWA ine ya holeka nando omadhiladhilo ga VELKSWA, sho e ya lombwele shu ukilila kutya:

"VELKSWA ina tundulukilwa we unene okuhangana huka kweni ngashi sha li petameko lyomadhiladhilo." Ongeleka ya DELK oya adha etokolo ndika mOshigongingeleka shayo nuumvo muApilili.



# Omatongolathano oga tsakanithwa nomOngeleka

Ongeleka yomuumbugantu waAfrika, oya nyengwa okutaamba omumwayina omukriste omuluudhe, onkene oya dopa moshilonga shayo sho inayi ninga shoka hayi shi uvitha.

Shika osha gandjwa ongeyamukulo ndyoka lya li tali kongwa kokakomisi koku kundathana oshipalanyolo: "Omadhiladhilo gOngeleka muumbugantu waAfrika paulelele wuuteologi wopashiluudhe."

## Ekumagidho kOngeleka

Ongeleka muumbugantu waAfrika nayi kwathane nonkalo yaamoka. Ngashi evangeli lyaKristus oli na sha nomuntu aguhe, osho wo Ongeleka oya li yi na okuvitha evangeli ndyoka tali yakula omuntu aguhe noku mu mangu-lula olutu lwe nomwenyo, okakomisi haka osho ka ti.

Okatsikile nokumagidha Ongeleka yi dhiginine omukanka gweitaalo sho ka ti: Ngashi shi li po nonale oshilonga shOngeleka yi hempulule noyi koleke eitaalo lyayo muyelele wonkalo ya nika omaipulo, Ongeleka onkwaevangeli paLuther muumbugantu waAfrika, nayi hempulule montaneho eitaalo lyayo muyelele womanyolo geyelitho lyeitaalo omolwomaudhigu gopasosiale nogopapolotika ngoka taga imbi pethimbo ndika uumwayinathana wopakriste moshilongo shika u tsakanithwe.

## EPUKULULO

**MOmukwetu No. 10/1975 pepandja etitano etumbulo lya hugunina lela ando li leshwe ngeyi:**

**"Naashika oshinima shiimaliwa, ngele Epangelongeleka otali itula mo musho, oyo (ndi) li vule okukwatha moshinima shika". Peha lya "ndi" otapu kala "li".**

MOngwendiva omwa tamekelwe edheulo lya tya ngeyi lyoomwedhi hamano 1973, ndyoka lya tsikilwa ishewe oomwedhi mbali 1974. Aalongwa 8 oya taamba oonzapo medheulo ndika.

Oyo yi ilongo okutseya oonote momutse (pateori). Moshilongwa shika oya vulu okupewa ashike ewi lyombaatha, yo etaa tula ko omawi omakwawo gopombanda palandulathano nopampango.

Aakiintu 6 naalumentu 2 oyi idheulila meuvoko lyomusika (gehooroefeninge) omaimbilo golituu-

## OSIKOLA YELONGO LYUUKA UNGA MU S.A.

Popepi na Roodepoort, Transvaal, ookilometa dhikwa osikola yuusita yOngeleka dhaaludhe ngwa kaambisofi 25 pamwe niilyo 100 iikaleli

Okomitiye yiilyo 12 oya hogololwa nokuli oku kala nelalakano lyokuyambula po uuteologi wo lyiikaha nalyo wo olya nihiladhitwa li longeki

## JESUS, TU PA OMBILI YOYE

Epipi lopaife otali kongo ombili moyoongalele i lili noku liii. Mokuhalakana kwavo Epangelo otali va tumine ovanyo-

ni vombili.

Ohatu hange paife ovanyasha vahapu va kanifa ooina novamwaina osheshi kave na ombili. Ove lididimikila enota, ondjala, noutalala nove li meefuka va hondama, va tila.

Otu na ovafitaongalo va kanifa ombili nova nyekwa eedi da Jesus komutondi. Eehombo oda teka momaumbo, ovanyasha ova wila mokahalu kombelela. Ombili momaumbo nomomikunda oya kana mo.

Ovafitaongalo vamwe ve likufa momaongalo nomoufita va konge ombili moilonga i lili noi lili. Ovashitwa vaKalungwa ova kanifa ombili.

Ndele Jesus natango oku li ofika mokati ketu e na elaka eli:

"Ombili nai kale nanye."

Tu ingideni hano kuye nokanya kanene ongomunhu umwe auke:

"Jesus, tu pa ombili yoye."

Jonas Nengola

## 8 YA PEWA OONZAPO MONGWEDIVA

**Aalongwa yahetatu moskola yomusiki mOngwediva, oya mono oonzapo dhawo dhuuimbithi. Mboka oyo aalongwa yotangotango ya pewa oonzapo medheulo lyomusiki ya zile momagongalo gaheyali muELOK, nagumwe kUushimba, pawiliko lyomulongi gwoomusiki mOngeleka, efolo Magdalena Kambundu.**

rgi kumwe nEhangano panote, okuwilika olwiimbo, ehistolli lyolwiimbo (Hymnology) pafupi, okuhika okahumba nosho tuu ootundimbimbeli nolwiimbo ndoka oyo yene taye lu sile oshimpwiyu.

Miigongilwiimbo wo oya li haa longo ongelandulathano lyokwiilonga kwawo. Oyendji ya humu nawa komeho miilongwa ya simana.

Omagongalo mwa zile aawiliki mbaka aape yoonjimbo ogo: Othika, Okalongo, Onangalo, Onawa, Ohalushu, Eheke na Tsumeb mUushimba.

konyala 20 okuza muJohannesburg, ota ka dha mangukuka yomu S.A. Etokolo olya ni-po yoongeleka dhawo.

tunga omusindalongo gwasikola ndjoka tayi ka shiluudhe. Olongo lyealudho lyaavu patenteko dhilwe. mo.

(Africa Acts)



# Etango oli li pokuningina

**Otse otu na okulonga iilonga yaanguka a tumu ndje manga omutenya. Uusiku otau ya nokaku na ngoka ta vulu okulonga. Manga ndi li muuyuni, ongame uuyelee wuuyuni Joh.9:4-5.**

Aantu oyendji oya zimbuka nale miilonga yopaKalunga. Itaa vulu we okutsikila, oshoka uusiku owe ya adha. Uusiku kape na ngoka ta vulu okulonga sha.

Ekumagidho lyaJesus enene. Otu na okulonga iilonga yaKalunga manga omutenya. Osho ta ti: Jesus ota popi shika nomeho ga tala komulumentu omuposi e mu thikamena. Iilonga yaKalunga oyi na okulongwa nokomulumentu a tya ngeyi. Oyi na okulongwa mwaayehe ye li monkalo ya tya ngeyi, itayi vulu sha.

Etumwalaka lyaJesus otali thikamene wo oshilonga shiipangelo methimbo lyetu. Ayehe ya pewa uuthemba wokulongitha omiti okweeta po ishewe onkalo yaantu yi kale yiigwana po, naa dhimbulukwe, iilonga mbyoka yokathimbo, nayi longwe nondjunga manga omutenya.

Etumwalaka otali ukilile ishewe kaavithi yevangeli. Mboka taa ende notaya adha aantu yaKalunga ya tokelithwa komavu komaulema, nokoondjo, Jesus ota kandula po omapulo itaga kwatha sha. Oondjo dhalye omuntu sho a tsika ngeyi, a lemana ngeyi, a yonuka ngeyi? Aavithi naa endeleele okugandja ekwatho lya pumbiwa manga omutenya pwaa na omapulapulo ngaka.

Kumboka ya zimbulwa nale miilonga kiiponga, kuuvu, kutya osha za muulunde wawo nenge wayalwe. Jesus ota ti: Mbaka oye na okukwathwa mbalambala manga omutenya. Oye na okuyakulwa nethimbo tali hakanwa, ya shuniwe onkalo yi shi okusimanekitha ishewe Kalunga.

Jesus nge ta popi omutenya ota dhiladhila ethimbo ndika ndi li na nou li na ngashingeyi. Ethimbo ndika tandi nyola nethimbo ndyoka to lesa ngashingeyi.

Aavithi, aapangi naavu, atuhe otu neni ngashingeyi ethimbo lyomutenya, ethimbo lyaKalunga lyokuyakula yakwetu nokuyakulwa muunkundi. Kape na gumwe gwetu ta tseye ethimbo lya tya ngeyi okwe li pewa li thike peni. Eloodho lyaJesus limwe alike: Nali hakanwe, li longithwe miilonga yalyo. Jesus ta ti, Oye mwene uuyelee wuuyuni. Ov. 5.

Ngoka e li muyelele oku shi shi mpoka ta lyata. Osho wo ngoka e li muJesus oondunge dhokulonga nomayelee gokudhiginina ethimbo lyaKalunga ote yi pewa ayihe mbika mOmbepo yaJesus. Joh.14:26.

Osho wo Jesus mwene a longo sho a kala muuyuni. Ine etha ekwatathano naHe li teke nando okathimbo okafupi. Naampoka ompito ndjika yetopoko yakambadhala okuholoka, okwa kugu shili ta kongo oshipala shaHe. Dhiladhila eigidho lye komushigakano:

“Kalunga kandje, Kalunga kandje, oshike we ekelehi ndje”.

Galikana Kalunga omilema nuusiku nge tau ku indjipalele. Ihe longo nondjunga oonte dhetango lyaJesus nge tadhiku minikile.

**Sebulon Ekandjo.**



**Osoondaha 29.6.1975 oyo Osoondaha yaagundjuka mOngeleka yetu. Efanu otali holola endhindhiliko lyEhangano lya-wo.**

## **OSHOONGALELE SHO VANAFIKOLA KU S.A.**

Ovanyasha 46 vEhangano lovalihongi ovaksite (SCM) meefikola dinene mOwambo, etata lefudofikola, otave ke li ningila kOrepublika ya S.A. moshongalele shavo shehangano.

Ovahongwa tava di mOngwediva, Okahao, Oshigambo, Odibo, Oshakati nOandjokwe otava i kofikola yokombada yau-mbanganhu (University of the North) koshongalele shokomudo shomafiku omulongo, 26.6-3.7.1975.

Otava findikilwa mondjila yavo kovalongi vatatu, omufitaongalo Apollos Kaulinge omupresidende wEhangano kOwambo, Mestele B.Haimbodi omunashipundi naMestele Asino hamushanga woshitai shokOwambo.

Ekonakono lomapulo omOmbimbeli, olo unene hali kala oshitwa shopokati meetundi dehangano eli okutula ovahongwa moule weitavelo.



## EFILOSHISHO LOKAANA

Moshi popiwa: "EFILOSHISHO PEFIMBO LETEE-LELO," onda popya omhumbwe yovakulukadi aveshe ve li meteelelo, va ye koihakulilo. Osha pumbiwa opo va kwafwe vo va monene onunona moihakulilo.

### MOSHIHAKULILO:

Onawa nge onunona aveshe tava dalelwa moihakulilo omolwomatohelo taa landula:

1, Nge ope na sha sha puka kokaana ile kuina, omudalifi ile ndokotola ota tameke ekwafo di-va.

2, Ovakulukadi otava mono omapukululo ko- mbinga yokupalwifa, yokukosha nokudjaleka onunona.

3, Otashi yandje yo omhito opo okaana keshe taka dalwa ka tunhilwe okwaamenwa komuki- fi woTB.

olwopeemwedi 4. e dule omashini omeendooxa Ongho ovakulukadi aveshe otava kumaidwa vaha tale okulongifa ekende eputuko shiwa shi dule okunyamifa, ahowe.

Onawa nge ovakulukadi tava tuwa omukumo opo va nyamife nande odula netata.

Onda popya nale kutya omashini okevele oma- wa e dule omeendooxa. Ashike nge omukuluka- di ke na omashini a wana ile oilonga yaye itai mu pitike a wanife enyamifo ile omolwouvela ina pitikwa okunyamifa, ekende ota li dulu o- kulongifwa pamwe nevele (apa tashi dulika).

okulongifa ekende otaku pula onunongo woku- yeleka nokupilula omashini noukoshoki. Owa pu- mbwa omakende mahapu opo keshe limwe li fulukifwe konima yelongifo keshe, opo u ame- ne okaana keembakiteli unene komupanu.

### ELUMBAKANIFO LOIKULYA:

Kakeke kokunyama, okaana otaka dulu okuta- mekifwa oikulya imwe lwopeemwedi 4. Oiku-



**Onghedi iwa okukosha okaana otai monika nawa momafano aa. Okaana naka kale ke na oshiyasha shako vene ihashi longifwa vali kuvamwe ve lili.**

### OKUPALWIFA:

Moshihakulilo ovakulukadi otava pukululwa ku- ty a onaini ve na okutameka okunyamifa na olungapi mefiku. Ovanongononi vahapu otava ti onawa nge okaana taka tulwa kevele oule weetundi 12 ile 18 konima yedalo. Moule woi- vike 4 ile 6 onawa okaana nge taka nyamifwa shaa efimbo ka hala.

Konima yoivike ei, taka nyamifwa konima yee- tundi 24 (oufiku nomutenya). Omukulukadi na tale omafimbo aa e mu wapalela pailonga ya- ye.

Oshi na okudiininwa kutya nge to nyamifa, kala omutumba, opo okaana taka nyamu ka yeluka komutwe nomapepe eshi u ka kwete, opo kaha alule omashini.

Nandi shi diinine kutya omashini okevele oma- wa mokusungu olutu lwokaana oo aeke fiyo

Iya younona tai dulu okulongifwa; omai, oiima- ti noikwambidi otai wapalele yo.

### ETOVIFO:

Onawa nge okaana itaka tofifwa manga inaka wanifa eemwedi 9. Apa oimaliwa ya pumba ngashi momaumbo mahapu, onawa nge taka nyamu ko taka pewa oikulya imwe ei tai wa- palele ya tumbulwa pombada fiyo ka wanifa nande odula netata. Etovifo oli na okweende- lako.

Tashi ti, nge oho nyamifa lutano (5) mefiku, petovifo tameka to nyamifa (4) lo olufo olu- titano to ka pe oikulya imwe. Konima yoivike ivali to nyamifa lutatu (3) manga omalufu a- vali (2) to ka pe oikulya imwe. Okaana otaka li lutatu ile lune mefiku (eetundi 24) oka tova.

### OUTE KU KONIMA YETOVIFO:

Ovakulukadi vahapu Ovayafrika otava nyamifa



nawa ounona wavo. Ashike konima yetovifo, onghenda inene kutya ounona ohava ningilwa shike. Onima tai shikula oya fimana okulandulwa.

### 1. OIKULYA:

Ondi shi shii oimaliwa oya pumba; ashike ou ha mono sha nakendabale pamufika waye okuwanifa eshi tashi landula:

Okaana taka kulu, oka pumbwa oitungilutu. Ei otai monika ngashi:

- Momai
- Mombelega, unene italala.
- Meeshi
- Momashini (naa fuluke omolweembakiteli).
- Moiimati noikwambidi.

Konyala eumbo keshe oli na eexuxwa. Onghe onawa nge okaana taka mono nande ei lutatu moshiviike shi dule nge taka li evanda lutatu mefiku. Onawa okaana nge ke na ouhema uvalli ile vatatu va yela, ko ke na olutu la kola, shi dule ke na ouhema 10 ko taka i koshihakulilo omwedi keshe molwoikulya ei ii.

Inandi hala okulundukifa ounona kutya ovo aveke nava lye omai nombela meumbo. Ashike efimbo linya ombelela hai liwa kovakulunhu, manga ounona tava li evanda ile omashini, nali xulifwepo diva.

### 2. OUKOSHOKI:

Momaumbo etu opashiafrika noufyoona uhapu oshidjuu okudiinina oukoshoki wokaana. Ashike efimbo omeva a sha okaana okapumbwa okukoshwa efiku keshe. Osho kosha yo oikwate-lwa noikutu yako.

### 3. OHOLE YOKAANA:

Eshi oshipopiwa sha fimana notashi pumbwa efimbo lile oku shi yelifa, oshike itashi diin-nwa nande momaumbo.

Ohole yokaana kuina oi na okutameka petameko. Taka nyamifwa nohole ke li peke. Okaana nande ashike ohaka nyamu mekende, onawa (apa tashi dulika) ka pewe kuina e ka kwate peke noku ka yolifa. Outeku wa tya ngaha nau kale wa kola itau lunduluka, kutya nena wa ningi eshi fiyo okaana taka limbililwa. Ovanongononi vahapu otava ti:

Onawa nge okaana itaka tongolwa kovakulunhu vako (unene ina) oule womafiku e dule 10, manga inaka wanifa eedula 6 ile 7. Eshi osha fimana nge okaana ke na okuuya moshihakulilo. Naka talelwe po. Pamwe onawa nge ounona itava tumwa komauteku manga inava wanifa eedula 6.

Mokutekula okaana, ovadali aveshe vavali ove na oshilonga sha fimana. Ashike omatilifo oo ovakulukadi hava lombwele ounona kutya to ya u dengwe kuxo, kemawa. Nande ina na diladila ouwii. Shaashi otashi dulika shi pedule outondwe mokaana okutonda xe, shaashi oye omunhu mwii ha denge ounona.

Dimbulukwa ohandi popi outeku wohole wokulongekida ekwatafano liwa lokaana novakulunhu, osho nomudingonoko eshi taka kulu. Hano itandi popi elundukifo lounona olo tali hapupala paife momaumbo. Eshi kashi fi ouwa wokaana ile wovakulunhu.

### OUVELA:

Moihakulilo ohatu eta onghenda luhapu, eshi ounona tava etwa va lololwa komikifi. Onghe luhapu omiiti kandi na efimbo lokulonga sha.

Okaana ka tameke ombadiilila;

- inaka hala okunyama ile
- taka kungu ile
- taka panukwa ile
- taka pupyala ile
- taka lili.

oka pumbwa eendeletwopo. Onghe naka twalwe koshihakulilo FIKU OLO. Ino ka HUPILA, ahowe. Ino teelega pamwe taka kala nawa. Ino ka pa omiiti damukwao ile doye wa pelwe koshihakulilo. Eshi otashi kwafele opo oondokotola novahakuli va yandje diva ekwafu.



**Okanona ngenge ka kuta, naka yelufwe, opo kaha yelule. Ngenge taka pewa omeva, naa kale a fulukifwa, nde inaka nwa fimbo matalala unene.**

Onawa nge ovakulunhu tava kala ve na oshisho nounona osho yo ehalo lokushiiva kutya okaana otaka vele shike. Onghe nge wa twala okaana koshihakulilo, pula omuhakuli ile ndokotola waye kutya okaana otaka vele shi ke, nonge komesho oto dulu okuninga sha opo u ka amene kaha kwatiwe vali koudo oo.

Dimbulukwa ove diinina kutya:

- Okunyamifa okwa fimana ku dule ekende
- Pa okaana koye oikulya tai tungu olutu.
- Outeku woye nau kale u na ohole.
- Okaana taka vele INA KA HUPILWA, naka twalwe koshihakulilo FIKU OLO.

5. Pula omuhakuli ile ndokotola woye eshi wa hala okushiiva kombinga yokaana koye.

EPANGELONGELEKA LYA ELOK OLYA UTHA AASITAGONGALO YAALI, FESTUS ASHIPALA NA ELIA NIINKOTI YA KA PULAKENE OOTUNDI MIINIMA YEHUNGOMWENYO LYOPAU-SITA KAAVU KU DURBAN. OOTUNDI NDHIKA OTADHI KA TAMEKA ETI 7 JULI SIGO 7 AGUSTE 1975.

## OMAKUNDILOPO

**Otandi kundile po aamwameme momagongalo agehe, natatekulu Sakeus liuhwa, kOmbalantu, otandi mu halele ongula ompe. Otandi halele wo omubisofi gwetu dr. L. Auala omayambeko taga zi kOmuwa Jesus mwene. Tangi.**

**Mauno Nikodemus Ogongo**



## ELONGO LYUUKALUNGA MUAFRICA OTALI KONAKONWA

Oshigongi shawiliki yOongeleki dhi ili nodhi ili pamwe naalongi yomoosikola dhuusita, osha ningilwa muJohannesburg petameko lyomumvo nguka. Omukalantu gwoseminali yuusita yaVELKSWA, omusitagongalo Zephanja Kamasta, nayo omo wo a li moshigongi shoka.



**Omusitagongalo M.Amadhila ngoka a mona onkatu B.A. muuteologi, ota uvitha mOongeleka yaNakayale, mOmbalantu.**

Pahokololo lye etelwa oshigongi shaasita ya VELKSWA mOtjimbingwe, komusita Kameeta, omwa tiwa kutya ooseminali dhuusita dhi li po ngashingeyi, otadhi tsikile ashike nokuputudha aasita palongo lyoshiyeuropa nolyopaukoloni.

Oongeleki odhindji dhi li monkalo ndjika oosiminali dhadho, odhi ipyakidhila ash'ke nepulo nkene tadhi iputudhile aawiliki yomagongalo mboka yoonkatu dhopombanda, manga kwa dhimbiwa mboka yaaye shi okulesha nenge okunyola, nonando oyo ngaa ya gandja okukalamwenyo kwawo kiilonga yopangeleki.

Aanashilonga yoongeleki dha tya ngawo, aasita naayevangeliste, ehokololo olya ti, kutya ohaa ikutha momagumbo nomoshigwana shawo nohaa imangeleke ashike koshilongaithano. Oye na uwanawa owindji kaa li kuyalwe omolwondjatha nothingo ontokele yopausita mokati kaamboka ye li monkalomwenyo kaayi shi okuhokololwa.

Oshiholelwa sha gandjwa mpaka sheyeleko pokati kaakwanegongalo nomuyakuligongalo, ehokololo olya tumbula uuzeko wegumbo lyomunashilonga nondjambi yondoka, iinima mbyoka tayi zi mehepeko lyakwanegongalo mboka kaaye yi na.

Ehokololo olya ti kutya shika oshinima tashi vala eidhino lyomuyakulwa koshipala shomuya-

kuli gwe notashi pendutha maakriste oyendji omadhiladhilo gopombambo kutya yo Kalunga ine ya pa eithano lyasha megongalo, sho inaa tumwa kosiminali, inaa yapulwa yo ihaa taamba ondjambi yasha.

### Ekwatho ol'ni moshin'na shika?

Opo oshiponga sha tya ngeyi shi kandulwe po oshigongi shaJohannesburg osha ningi omafaneko gaali gokweeta po omukalo omupe gwokuputudha aanashilonga mOongeleki.

1. Mefaneko lyotango eputudho lyOosiminali dhuuteologi li kale ando tali kwatha omulongwa okutula miilonga shono e shi ilongo momutse. Omulongwa a kwatakanithwe nomudhingoloko moka a zi sho e ya mosikola. A mone mboka taa si ondjala momalukanda, taa hepekwa, taa si onkayi nenge ye li momauyehame, opo omulongwa a tale nkene te ya kwatha paw'no mboka e u likola mootundi.

Omadhiladhilo omanene moshinima shika oge li mpoka, kutya osikola yomulongwa yi kale aluhe popepi nomudhingoloko gwaantu moka ta ka longa mo ngele a piti.

2. Mefaneko etiyali omu na omuka'lo ngoka tagu vulu okwiithanwa "enota lyokweeta po e'unduluko lyonziyanziya" (revolusi). Okweeta po elunduluko ndika otashi ningwa aalongwa ngele taa putudhwa okutaandelitha elongo lyawo ndyoka ye li longwa mokati kaantu yawo hoka ya zile ko. Mpaka otapu lalakanenwa kutya;

a) Euvitho li kwatakanithwe nonkalo yaapulakeni (contextualization)

b) Euvitho li kale li shi okupendula aapulakeni oku ya kutha iipanguwo komeho (conscientization)

c) Evangeli lyomuuvithi li kale li shi okweetela omuntu emanguluko komwenyo nokolutu lwe (Liberation)

Pamafaneko ngaka gopaali, opu na ndyoka tali popilwa unene koshigongi shoka komeho gekwawo. Olyo ndika lyeputudho tali taandelithwa mokati kaayehe.

Omapangelongeleki gOongeleki dhi ili nodhi ili oga indilwa moshinima shika ga gandje wo omadhiladhilo gago, andola manga Juni 1975 inaagu thika. lipalanyolo iheyali oya tumbulwa po wo, mbyoka mekwatathano nayo Omapangelongeleki taga konakona ondjila ndjika ompe:

a) Kutya aantu oyeni ye na okudheulilwa omukalo omupe, opo ya ka gandje ekwatho kOongeleki dhawo.

b) Kutya omikalo dhini tadhi ka longithwa mookursus ndhoka, opo ku konakonwe elongo

ekulu lyuuteologi wi ili nowi ili nkene u li po.

c) Kutya aalongi yethimbo alihe noyethimbo efupi mookursus ndhoka, otaa ka kala ye thike peni notaa ka kala ye na onkatu ya tya ngiini.

d) Kutya oondjugo dhokuyakula aalongwa odhi thike peni.

e) Kutya iimaliwa otayi monika ngiini okufuta oompumbwe dhiilonga yedheulo ndyoka muule womimvo ndatu dhopetameko.

f) Kutya UNISA noosikola oonkwawo dhoombapila, otadhi longithwa ngiini mekwatathano nomafaneko ngaka.

Pahokololo lyoonkundathana dhoshigongi shaJohannesburg, oosiminali dhimwe odha indila ando omafaneko ngaka ga longithwe nokuli mbala manga omumvo 1977 inaagu tameka.



# Ombilive ya dja moupongekwa

**Shotete ohandi halele oshiundangerki ashishe shaKalunga nOvanamibia aveshe eyambeko nelao momudo ou 1975. Aveshe ava vafikamo, oonakufya aveshe ava vafyaala kwinya, Omwene oku li navo.**

Ohandi tameke nepulo eli komaongalo aeshe oo a fiwapo kwaaveshe ovo twa tauluka eengaba. Nepulo eli onda hala la nyamukulwa naana paushili wa tate Kalunga.

## EPULO OLELI:

Ongerki novakriste vakwetu, otamu tu tile ngahelipi kombinga youkriste wetu, eshi tu li twe li vakapo nomoilonga yetu, ngaashi ovalongi metumo, ovafitaongalo noilyo aishe yO-ngeleka?

Omwe tu tala tuu ngaashi ovakriste ile omwe tu tala ngaashi ovashunimonima neembudi dogaho? Nali nyamukulwe nawa, nonombili yaKalunga tate yetu.

Vakwetu, fye oukriste wetu neifano letu inatu li ekelashi nande. Naaku ohatu longo ashike oilonga noyopamhepo yo, ngaashi otwa dika eongalo la kula. Ovafitaongalo otava longo oilonga yavo aishe. Ovanhu otava yakulwa paemhumbwe davo; ovashashwa otava shashwa, ovakolekwa otava kolekwa, ava hava i kOuvalelo Uyapuki otava yakulwa nawa. Oinima ei twa uda nale omo ngaashi, ondjala, oudu, neevenda dokuha monifa ounona kashiko, oku ame inandi i mona oyo.

Oku ava tava vele, otava hakulwa nawa, ovafimba otava fulwa nawa ngaashi omo, novamwali otava dalifwa nawa nopehe na oupyakadi washa. Aveshe ava va udika va fya oku, inaku fya nande oumwe, atushe oko tu li mhanga, efyo shapo okomesho. Yo oyo, oilonga nee yaau wokombadambada. Fye inatu tila efyo.

Kaume kange owa tila shike? Ino tila omuholike, Namibia otali manguluka. Kalunga oye eenghono detu, ihatu tila oudjuu. Nge hatu aluka ohatu uya hatu shaluta. Nge twa alukile mo moNamibia otamu ke shi mona kutya oshike twa ka konge. Hano ino tila, kala wapama meitavelo.

"Aishe hadi pondola mwaau ta kwafe nge, oJesus ou omuvalelwa a hepekelwa nge", Eimbilo 494.

Ovakwetu ovaholike ohandi mu halele eyambeko la tate Kalunga momudo ou. Kaleni oupafi, efimbo oli li po tali endebele. Nye kaleni nokutwiikanena twaaluke tu li ngaashi tu li.

Kundweni nye amushe ava ndi mu shi. Kundilenipo aveshe ve shii nge, ihava mono O-

## OVABISHOPI VAANGILIKANI MUA-NGOLA

**Ongeleka yaAngilikani mOukwanyama oya yakulwa kovabishopi vayo omafiku aa, sha ningilwa konima yongaba, mu-Angola. Konyala oule weedula mbali da pita eshi Ongeleka ei inai mona eyakulo lopaubishopi.**

Ovabishopi vavali, Colin Winter na Richard Wood, aveshe va kufwa oufemba kEpangelo la S.A. okukala mOwambo va longe oilonga yavo yopangeleka, ova shakana novafitaongalo ve li moilonga omu novakwaneongalo vomomaongalo omOukwanyama, popepi nOnhaululi, pO-namunhama.

Ovanhu ve fike lwopeyovi limwe, otaku tiwa okwa li va pita modalate va ka kale moshivilo sheshakeno eli.

Omubishopi Winter okwa telwe muNamibia kEpangelo konima yomido nhatu nomubishopi Wood, ou ngeno a nangekwa ponhele yaye, naye okwa kufilwe oufemba wokukala mOwambo kEpangelo lOwambo neudo omolwoupolotika.

mukwetu. Kundeni tate nakudala nge, novamwameme aveshe ovaholike noumwange ouholike. Unene okanghelomati kange Olivier Nghidimbwatate Laudika. Nde nai hange va toolela nge eembe deenghate. Omukunda wetu ou na omive diwa. Kaleni amushe nombili.

**Pa'isha yaNelulu Nangula daJosua**

**Ombilive ei oya nyolwa nalenale muJanuali 1975, ya nyolelwa Omukwetu nde opo ya fiki paife.**

**Amushanga wOmukwetu**



OMUSHAMANE PHILIPPUS SHILONGO, ODI-BO, OU A HUMBATA EFILOSHISHO ALISHE LOMAONGALO A ANGLIKANI MOWAMBO. OYE UMWE WOMOVAWILIKINGELEKA MUNAMIBIA TA LONGO OSHILONGA SHEVANGELI NOMAUDJU MAHAPU, NANDE OSHIPALA SHAYE ALUSHE OTASHI HOLOLA EHAFO.

Meshakeno eli, Ongeleka oya mona omhito okuyakulwa mOuvalelo Uyapuki novakwaneongalo ve fike lwopo 400 okwa tiwa ova kolekwa. Fiyo onena Ongeleka ei inai mona omubishopi omulaule, ndele moluhepo layo li fike apa, ovakwaneongalo ova tulwa ashike moshisho sheyakulo lofavita novadiakoni.

(Fimbo onghundana ei inai pita mo, otwa kundana vali natango kutya, Epangelo la S.A. ola ta po omubishopi Wood mOvenduka. Oshikando eshi oshititatu Epangelo tali mweneke ovabishopi vOngeleka ya Anglikani moilonga yalo.

**Amushanga wOmukwetu).**



# WA TOOLITHWA KO

## Elizabeth Shikololo, ila ko eimbilo lyoye kOshinyanyangidho manga inaali kana ishewe



**Aagundjuka yOngeleka, shaampoka taa kala po oya hala okuyelutha ebandela lyawo. Gideon Itewa, omuwiliki gwetanga lyaagundjuka mOshiwakopo, ota kunditha aagundjuka ayehe yOngeleka. Ota ti: Okuyelutha ebandela, osho okutula onyeka kombanda yontungwa yi mikile.**

### "OMALAKA"

Vahapu otwa holekwa oshinima shinene, osho okufimaneka omalaka oo hatu udu pomudingonoko.

Elaka olo ekwatakanifi lomunhu nomunhu. Ovanhu ngenge kave uditafane itava dulu oku kwatana. MOWambo otu na mo omalaka e li omulongo na avali lwaapo. Konyala pomudingonoko woshilongo ile woshikandjo keshe ohapu udika avali ile atatu. Ndele nande ongaho oto hangepo ovanhu vanini lela ovo ve shii omalake fike puavali.

Vahapu ngenge hatu pwilikine omalaka e lili, ohatu tameke okuyola, tu wete a yolifa, no inatu pumbwa nokuli oku a shiiva. Vamwe tava ti nokuli, vati kave na epa tave ke a popya.

Diladila nawa mokuyola, nomokudina elaka lomukwashiwana shoye, otaku holola kutya ku na ekwatafano naye, ito mu pumbwa nokuli. Ekwatafano nohole otai hololwa alushe opo tapu popiwa omalaka e uditafane. Eshi nashi tu twe omukumo okulihonga omalaka ovakwa-

shilongo shetu. Osho tashi tu pe onghedi iwa yokulihonga omalaka, ofimbo tuvanini notuva-nyasha, osheshi nge twa ningi ovakulunhu ope na oudjuu okulihonga omalaka.

MOWambo otu na omalaka a nyolwa avali oo taa longifwa meefikola detu. Nde ope na omashilafano, pokati kao.

Ofyeni ovalongi novalongwa otu neni omhito iwa okulongifa omukalo wokulihonga omalaka oiwana yetweni nopehee na okatongotongo. Eshi ohoni ngenge mufye tamu monika ovo tava yoolola omalaka oshiwana shavo, voo tave lihongo omalaka oiwana i lili ngaashi omalaka oshieuropa.

Omukwashiwana keshe na kale ngeno e shii elaka limwe lopoushiinda waye, opo ta weda ko omalaka omakwailongo.

Sakaria Nghikefelwa.

### OONGELEKA DHA KWATHA OLUTITANO OMAHANGANO GAAKONDJELI MANGULUKO

Oraata yOngeleka muuyuni (WCC) oya tokola ishewe okukwatha pashikando oshititano omahangano taga kondjele e manguluko niimaliwa oodola dhOshiyamerika 479,000. Okomitiye yOraata yOongeleka oyo oya tokola oshinima shika moshigongi shayo muGeneva.

Omahangano gaakondjelimanguluko oge li 27, gahetatu gomugo ogomuEuropa, Amerika, Kanada nomuJapan.

Ombinga onene yiimaliwa mbyoka ya gandjwa oya pewa ehangano lya ANC muZimbabwe (Rhodesia) na SWAPO muNamibia. Shito omahangano gomuAngola, Mozambikwe nomuGuinea Bissau, oga kwathwa wo kOraata ndjika.

limaliwa mbika oya gongelwa kaantu nokoongeleka dhi ili nodhi ili, komahangano muuyuni nokomapangelo ngashi lyaHolanda, lyaSweden nolyaNorwee.

### OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOnilpa. Omukuluntu gwoshifo omumbisofi dr. Leonard Auala. Amushanga Rev. Sebulon Ekandjo.

Ondando yoshifo komumvo muSuidwes nomuAfrika alithe R 1. 00 kombanda yomafuta R 2. 00.

Ondando nomambesitelo naga tumwe kOmukwetu Onilpa; P/B. 2013, Ondangwa.

Omatsheyitho ageke gomuntu mwene ohaga futliwa kumwene.

OWAMBOKAVANGO CHURCH PRESS  
PRIVATE BAG 2013, ONDANGWA S. W. A  
9270